

*Sec. IV. diff. 38.* argumentis plane ita comparatis, ut nos liberos ab illo crimine, totos vero illi implicitos esse Pontificios cuilibet sit perspicuum, ut nos aliquando data opera demonstravimus. Criteriis enim Donatistarum, cum primis jactantia de splendore & magnitudine ecclesiae suae, recte collatis, ipse Papismus protinus facem suam ostendit. Nunc DONATISTIS conjungunt sectas jam supra enarratas. Ita BELLARMINUS dicere audet, sententiam August. Confess. de Ecclesia compositam esse ex haeresi PELAGIANORUM, NOVATIANORUM & DONATISTARUM, de Eccles. L. III. c. II. p. 193. Notato vero discrimine inter Ecclesiam visibilem & invisibilem, quod frustra rident adversarii, omnes accusationes in irritum vertuntur. Qua itaque fronte scribere audiunt Autores Speculi Brandenburg. p. 144. Dass ein Christlich Herz überlegen sollte / ob es lieber durch Behaltung des Donatistischen Lutherischen Irrthums mit den Donatisten in ihren Himmel fahren wolle / sc. ubi tamen paulo ante scripserant/ Dass unsere Argumenta der längst-verdammten und verbannten Ketzeren der Donatisten wären / welche fast eben dergleichen Lehre geführet / welche die Lutherischen Doctores heut zu Tage zu defendiren sich unterstehen. Gratulamur vero nobis de hac confessione invitis erumpente, quod nostra doctrina Donatistis FERE sit similis! Non potest itaque haberi pro eadem aut plane simili; nec coelum nostrum erit coelum Donatistarum, ut profani homines pro more suo Thrasonice fabulantur. Pari, id est nullo, jure nos pro PEPUTIANIS habet Bellarminus, l. c. quando in casu necessitatis baptismum a muliere peragendum non vituperamus, cum illa propago Montani potius omne sacrorum peragendorum jus tribuerit foeminis, aut saltem initiari sacris & revelationibus vacare solitariis in locis voluerit, quod

E z ge-